

評古

乙文

古韻

文語





古 文 韻 語

楊 慎 撰

叢書集成初編

(補印本)

古文韻語及其他一種

一九三九年十二月初版

一九六〇年五月補印

商務印書館出版

上海大東集成分刷廠印刷

升菴禱探古占繇銘贊祝之詞爲古文韻語一卷引證博而音釋詳好古者爭先快觀於以見昔人重文而用韻之書自六經而外亦時見於他說也然其閒亦有不可強通者則當略韻而取其文焉或曰韻風度也韻語與雅言訓同亦通童山李調元雨村序

古文韻語卷一

明 新都楊慎撰 清 綿州李調元校定

女媧筮辭

易緯女媧張雲幕
枚占之曰吉云

昭昭九州日月代極均平土地和合四國

羿妻筮辭

靈憲

羿請不死之藥於西王母姮娥竊之以奔月筮於有黃有黃曰吉

翩翩歸妹獨將西行逢天晦芒毋驚毋恐後其大昌

連山繇辭

山海經注

空山之蒼蒼八極之既張乃有夫義和是主日月職出入以爲晦明

歸藏繇辭

御覽太平

有人將來遺我貨貝以至則徹以求則得有喜將至良人得其玉君子得其粟

有鳧鴛鴦有鴈鸕鷀

鼎有黃耳利取鉅鰓同鯉

歸藏齊母經辭

爾雅疏

瞿有瞿有音介胄梁爲酒尊於兩壺兩輪飲之三曰然後蘇士有澤我取其魚

君子戒車。小人戒徒。闕有白雲。自蒼梧入於大梁。上有高臺。下有雕池。若以賈市。其富如河海。

周穆王筮獵辭

藪澤蒼蒼。其宜傳作其正公。戎事則從。

魯桓公筮成季傳左

同復於父。敬如公所。

秦伯筮伐晉

千乘三去。同社三去之餘。獲其雄狐。

晉筮嫁伯姬於秦繇

士刳羊。亦無盍也。女承筐。亦無貺也。西鄰責言。不可償也。歸妹之睽。猶無相也。

晉厲公筮擊楚子

南國賊。射其元。王中厥目。

夏后鑄鼎兆辭

逢逢白雲。一南一北。一西一東。九鼎既成。遷於三國。

桀伐唐兆辭

不利出征惟利安處彼爲狸我爲鼠勿用作事恐傷其父

文王卜田兆

非龍非虵非熊非羆兆得公侯天遣汝師

姜后卜兆辭師汲冢

周穆王姜后孕越姬嬖竊而育之斃以元鳥二七塗以麋血王發書而卜之兆曰
蜚蜚之羽飛集於戶鴻之戾止弟弗克理重靈降誅尙復其所于是王問諸史鮑曰蟲飛集戶是曰失所
親將留其身歸于母氏而後復寧冊而藏之厥休將振居三月越姬死七日而復言其情曰爾夷隸也胡竊君之子不歸將置而大戮及王子曰始

陳敬仲卜妻兆

鳳皇于飛和鳴鏘鏘有嬌之後將育于姜五世其昌並于上卿八世之後莫與之京

晉獻公卜伐驪戎兆

挾以銜骨齒牙爲猾戎夏交猝

晉卜立驪姬兆

專之渝襪公之俞衍字一薰一蕕十年尙猶有臭

魯桓公卜成季兆

間於兩社爲公室輔

衛卜殺渾良夫兆

如魚竄尾。衡流而方羊。裔焉大國。滅之將亡。闔門塞竇。乃自後踰。

衛卜追鄭師兆

兆如山陵。有夫出征。而喪其雄。

周公卜洛命龜辭

說苑

予一人兼有天下。辟就百姓。敢無中土乎。下音虎

周公卜曲阜命龜辭

作邑乎山之陽。賢則茂昌。不賢則速亡。

漢文帝卜卽位兆

大橫庚庚。余爲天王。夏啓以光。以上筮辭
卜兆之辭

巾机銘

帝黃

予居民上。搖搖恐夕不至朝。惕惕恐朝不至夕。兢兢慄慄。日慎一日。人莫躡于山而躡于垤。

衣銘

武王

桑蠶苦女工難。得新捐故。後必寒。

鏡銘

以鏡自照見形容。以人自照見吉凶。

鑑銘

見爾前。慮爾後。

觴銘

樂極則悲。沉湎致非。社稷惟危。

觴豆銘

食自杖。食自杖。戒之僑。僑則逃。

几銘

安無忘危。存無忘亡。孰是二者。必後無凶。

杖銘

輔人無苟。扶人無咎。

杖銘

惡乎危。於忿寃。惡乎失道。於嗜欲。惡乎相忘。於富貴。

筆銘

毫毛茂茂。陷水可脫。陷文不活。

箠銘

馬不可極。人不可劇。馬極則殲。人劇則敗。

冠銘

寵以著首。將身不正。遺爲德咎。

履銘

行必慮正。無懷僥倖。

屨履銘

慎之勞。勞則富。

劍銘

常以服兵。而行道德。行則福。廢則覆。

劍銘

帶之以爲服。動必行德。行德則興。倍德則崩。

車銘

自致者急。載人者緩。取□無度。自致而反。

門銘

敬遇賓客貴賤無二

戶銘

出畏之入懼之

戶銘

名難得而易失無勲弗志而曰我知之乎無勲弗及而曰我杖之乎國阻以泥之若國將至必先搖搖雖有聖人不能爲謀也

牖銘

隨天時地之財敬祀皇天敬以先時

牖銘

闕望窓可念所得且思所忘

窓或爽字說文烏到切室西南隅也

鑰銘

昏謹守深察訛

硯銘

石墨相著則黑邪心讒言得無汚白

鋒銘

忍之須臾。乃全汝軀。

刀銘

刀利磴磴。無爲汝開。

弓銘

屈申之義。廢興之衡。無忘自過。

矛銘

造矛造矛。少闕不愍。終闕之萊。予一人所聞。以戒後世子孫。

帶銘

火滅修容。慎戒必恭。闕三字

機銘

皇皇惟敬。口生咥口。闕三字

井銘

原泉滑滑。連旱則竭。取事有信。賦斂有節。

席前左端銘

安樂必敬。

席前右端銘

無行可悔

後左端銘

一反一側亦不可以忘

後右端銘

所見不違視爾所代

盥盤銘

與其溺於人也寧溺於淵溺於淵猶可游也溺於人不可救也

楹銘

毋曰胡殘其禍將然毋曰胡害其禍將大毋曰胡傷其禍將長

金人銘

戒之哉無多言無多事多言多敗多事多害安樂必戒無行所悔勿謂何傷其禍將長勿謂何害其禍將大勿謂不聞神將伺人焰焰不滅炎炎若何涓涓不塞終成江河綿綿不絕或成網羅豪末不扎也拔將尋斧柯誠能慎之福之根也曰是何傷禍之門也強梁者不得其死好勝者必遇其敵盜憎主人民怨其上君子知天下之不可上也故下之知衆人之不可先也故後之溫恭慎德使人慕之執雌持下人莫踰之

人皆趨彼。我獨守此。人皆惑之。我獨不徙。內臧乃智。不示人技。我雖尊高。人弗我害。天道無親。常與善人。戒之哉。

金匱銘古音略例。堯作黃帝。振振作惓惓。

堯之居民上也。振振如臨深淵。舜之居民上也。慄慄恐朝。不及夕。武王曰。吾并殷民。居其上也。翼翼懼不敢息。

商鼎銘國語

嚶嚶之德。不足就也。不可以矜。而祇取憂也。憂叶音作。去聲讀。嚶嚶之食。不足狙也。不能爲膏。而祇離其咎也。

譏鼎銘左傳

昧旦丕顯。後世猶忘。

正考父鼎銘

一命而僂。再命而偃。三命而俯。循牆而走。亦莫敢余侮。饘於是。粥於是。以糊余口。

孔惺鼎銘

六月丁亥。公假于太廟。公曰。叔舅。乃祖莊叔。左右成公。成公乃命莊叔。隨難于漢陽。即宮于宗周。奔走無射。啓右獻公。獻公乃命成叔。續乃祖服。乃考字。與舊嗜欲。作率慶士。躬恤衛國。其勤公家。夙夜不懈。民咸曰。休哉。公曰。叔舅。予女銘。若續乃考服。惺拜稽首曰。對揚以辟之。勤大命。施于蒸彝鼎。

郊鼎銘古岐字此周鼎也漢世出見郊祀志

王命尸臣官此郇邑賜爾旂鸞黼黻珣戈尸臣拜手稽首曰敢對揚天子丕顯休命

師春銘

炎炎者滅隆隆者絕的的者獲提提者射

棗氏量銘考工記

時文思索允臻其極嘉量既成以觀鄭康成注示也四國永啓厥後茲器維則

祭侯器銘

惟若寧侯母或若女不寧侯不屬于王所故抗而射女強飲強食詒女曾孫諸侯百福

衛靈公掘沙邱石槨銘莊子

不馮其子靈公奪而里

漢滕公掘石銘

佳城鬱鬱三千年見白日嗟哉滕公居此室

梁大同圯墓銘

龜言土著言水旬服黃鍾啓靈址瘞在三上庚墮遇七中巳六千三百浹辰交二九重三四百圯梁大同四年七月任昉于鍾山墟中得銘曰云云當時其能辨因藏之戒諸子曰世世以銘訪通人有知之者吾死無恨昉五世孫升之隱居商洛寫以示鄭欽說欽說出使得之于長樂驛至數方三十里而悟曰卜宅者隱葬

之日月而先識墓圯日辰旬服五百也黃鍾十一也縣大同四年郤求漢建武四年凡五百一十一年葬以三月十日庚寅三上庚也圯以七月十二日己巳七中也巳也漢辰十二也建武四年三月至大同四年七月六千三百一十二年七月十二日交故曰六千三百漢辰交二九十八也重三百圯升之大驚服月十日距大同四年七月十二日十八萬六千四百日故曰二九重三百圯升之大驚服

古鑑銘

漢有善銅出丹陽和以銀錫清且明左龍右虎尙三光朱雀元武順陰陽尙方作鑑真大好上有仙人不知老渴飲玉泉饑食棗

漢剛卯銘

正月剛卯既央靈爰四方青赤白黃四色是當帝令祝融以教夔龍庶疫剛瘳莫我敢當疾已嚴卯帝令夔化順爾固伏化茲靈爰既正既長既觚既方庶疫剛瘳莫我敢當

麟鳳銘

漢威德中興卽政二年辛酉之節首歷四十青龍三月季春爰立碑石順典禮文九九度數萬世常存天有奇鳥名爲鳳皇時下有德民富貴昌黃龍嘉禾皆不隱藏漢德威威永布宣揚天有奇獸名曰麒麟時下有德安國富民忠臣節疑脫一字義以修身聞愆來善明明我君

漢祝長嚴訢碑銘

惟漢中興卯金休烈和平元年歲治東宮星屬角房月建朱鳥中宮之均萬物絃射華澤青葱跂行蠕息咸守厥常人物同授獨遭災霜顛實徂落壽不寬宏經設三命君獲其殃

漢從事武梁銘

懿德元通。幽以明兮。隱居靖處。休曜章兮。樂道忽榮。幽蘭芳兮。身役名存。傳無疆兮。

商箴

天曰順。順維生。地曰固。固維寧。人曰信。信維聽。

又

天降災布祥。並有其職。

周箴

夫自思念。學德未暮。

周虞人箴

芒芒禹跡。畫爲九州。經啓九道。民有寢廟。獸有茂草。各有攸處。德用不擾。在帝夷羿。冒于原獸。忘其國恤。而思其麀牡。武不可重。用不恢于夏家。獸臣司原。敢告僕夫。

夏箴

汲冢書

中不容利。民乃外次。

開望箴

土廣無守。可襲伐。土狹無食。可圍竭。二禍之來。不稱之災。天有四殃。水旱饑荒。其至無時。非務積聚。何以